

北京圖書館出版社

清末時事新集選

第十七冊



張永福畫

(清末)時事采新彙選

第十七冊

北京圖書館出版社

時事采新彙選

光緒丙午年六月

光緒三十二年六月初六日

戶部宗人府正白旗值日 吏部引 見六十六

名 工部五名 值年旗五名 順天府奏京師得

雨深透 連順續假五日 吉林預備 召見

召見軍機 吉林 振貝子

旨應生曹希鐸著外用黃惠著外用禮部精膳司主事著
林棟補授四川永寧道著劉學謙補授廣東惠州府通
判著馮敦庸補授安徽潁州府通判著陳啟秀補授浙
江嘉興府通判著劉恩華補授廣東陸豐縣知縣著周
秉道補授江西石城縣知縣著陳守謙補授浙江長興
縣知縣著丁惟晉補授江西永豐縣知縣著李昂補授

諭旨恭錄

光緒三十二年六月初六日

一

浙江壽昌縣知縣著普榮補授江西永新縣知縣著江
仁徵補授廣東乳源縣知縣著程蔭南補授浙江泰順
縣知縣著程濟瀛補授直隸涿州直隸州州判著楊同
昇補授截取舉人江錫爵著以直隸州州判用蔣毓濂
著以鹽庫各大使用江西宜春縣教諭王葆光著以鹽
庫各大使用截取舉人張彬垣著以直隸州州判用四
川青神縣訓導張世權著以鹽庫各大使用截取舉人
王楫著以直隸州州判用董培琮著以直隸州州判用
張國忠著以鹽庫各大使用傅炳鑑著以鹽庫各大使
用張祖辰著以直隸州州判用揀選舉人李翰英著以
直隸州州判用黃崇憲著以直隸州州判用楊枋著以

諭旨恭錄

光緒三十二年六月初六日

二

鹽庫各大使用王建勳著以鹽庫各大使用朱學猷著
以鹽庫各大使用黎振麟著以直隸州州判用蔣琛著
以直隸州州判用趙世猷著以直隸州州判用樊學圃
著以鹽庫各大使用劉彥藻著以鹽庫各大使用俸滿
江西南康縣教諭陳思泉著以教職用欽天監筆帖式
著多仁補授都察院筆帖式著文潤補授翰林院撰文
員缺著文鈞補授江南道監察御史員缺著江春霖補
授山西道監察御史員缺著沈潛補授江蘇鎮江府理
事同知員缺著啟順補授伊犁糧餉章京著德潤去截
取緊缺知府翰林院編修趙士琛掌湖廣道御史蔡金
臺俱著以簡缺知府用內閣中書成安兵部司務祝毓
清俱著照例用保送知府內務府員外郎延齡著以知
府分發省分補用保送直隸州戶部主事董玉卿陳金
臺盛京裁缺刑部主事馬鈞俱著交部記名以直隸州
知州用保送知縣盛京裁缺兵部筆帖式紹卿禮部筆
帖式吉人崇善俱著交部記名以知縣用京察戶部郎
中選用道薩隆圖著准其一等加一級交軍機處記名
以道府用保舉吉林候補道王昌熾江蘇候補知府駱
騰衢雲南補用同知直隸州秦發慶俱著照例用開復
直隸州用河南分缺間補用知縣韓厚瀛著准其開復
原官原銜升階仍發原省照例用擬補浙江長林場鹽
大使李麟閣浙江大嵩場鹽大使張菱新吏部筆帖式
錫年俱著准其補授欽此

政務處遵議各項保案限制章程

政務處大臣和碩慶親王臣奕 等跪 奏為遵 旨

會議具奏事本年正月初九日奉 上諭御史劉汝驥

奏仕途難維保舉過濫請除積弊一摺保舉一途原為朝

廷鼓舞人才之具惟必須真知灼見確係勞績卓著名實

相符方可登諸薦牘凡有保人之責者應如何詳慎遴選

愛惜名器若如該御史所奏近來濫保各節種種情弊實

堪痛恨嗣後各省將軍督撫等保荐人才務當力除積弊

不得徇私濫保以杜倖進至應如何嚴定限制之處著政

務處會同吏戶兵等部妥議具奏欽此查保舉最忌冗濫

名器本宜慎重詳稽 國初定制凡軍營河工之出力微

時事采新彙纂卷第十卷 十 南本年月初六日刊

賦緝盜之奏效諸敘優者止于加級專案奏者皆候

特恩無異常尋常之名亦無一歲而保數案一案而保多

人之事咸豐以後軍務繁興保案始多近則京外舉行要

政籌捐籌款驅吏急于策效 朝廷曲予推 恩各

省保舉之多遂為從前所未有原奏所稱無事不保無人

不保者誠見流弊所趨不可不為限制茲由臣等就該御

史所指各節並推及各項保案分別核定限制章程謹繕

清單恭呈 御覽俟奉 旨後分咨內外各衙門一

體遵照辦理所有臣等遵議緣由謹繕摺具陳伏乞

皇太后 皇上聖鑒謹 奏光緒三十二年五月十

四日具奏奉 旨依議欽此

謹將核定限制保舉章程繕具清單恭呈 御覽 一

河工保獎酌定限制查安瀾例保若永定河若東明黃河

若南河應汛各員兩年各彙保二十員均按尋常勞績請

獎山東黃河防汛則兩年彙保四十員內異常十員尋常

三十員擬請嗣後 飭令沿河各督撫照山東河工例

繪具圖說將沿河口岸地名相距里數及所在有工無工

詳細註明並某年派某員駐某段一併咨部立案後如經

歷大汛平穩無事三年准按尋常勞績列保一次文職不

得過十員武職奏咨併計不得過十員山東則三年文職

准保二十員武職奏咨併計准保二十員如有搶險工程

准于二十員內聲明按各項異常勞績請保二三員否則

時事采新彙纂卷第十卷 十一 南本年月初六日刊

統按尋常勞績列保不得稍涉冒濫其大工分段認修各

員合龍後按等列保咨部存案如保固限內河段潰決卽

將認修之員保案撤銷仍照章責令賠修以杜冒功偷減

等弊至大工合龍事非恒有擬俟屆時由督工大員察酌

工程難易溜勢緩急將在工人員差委銜名薪水數目先

期咨部立案以便酌定限制 一漕河防護保獎酌定限

制查黃河自咸豐五年銅瓦廂決口兩江轄境本無河患

擬嗣後將南河年例保案停止惟湖工防護亦關緊要嗣

後遇有湖河盛漲水勢危險防護實在出力應准查看情

形按尋常勞績酌量請獎文武併計仍不得過十員若偶

爾防護並無危險情形概不得率行請獎以杜冒濫 一

海運漕糧保獎酌定限制定章江浙海運本省及津通兩處各准保六十五員查近年輪船穩便非昔年海運艱苦可比擬請嗣後江浙海運本省准保三十員京沽兩處各准保二十五員江北河運原定獎額三十員後經改為海運逐漸加增近有保至四十八九員者此項海運米數無多擬仍按三十員定章請獎以示限制至江浙江北海運各案內武職准擇尤各保二三員倉場全漕告竣京營護送員弁每年奏保咨保不得過四五員均按尋常勞績給獎一邊防各軍及各省駐防練軍保獎酌定限制查兵部歷辦成案邊防保案有三年五年七年九年之別駐防練軍創辦之初三年期滿請獎以後每屆五年奏保熱河

時事采新彙選第二卷
四
丙午六月初六日刊

則二年例保一次例保名數多寡亦無限制擬嗣後沿邊各軍及各省駐防練軍統以五年為限列保一次按照二十八年兵部定章每五百人准保五員如有文員出力亦列在五員之內不得另計悉照尋常勞績給獎不及五百人者以次遞減沿邊各練軍如已歸邊防案內請獎其練軍列保之案應即停止所有防練各軍營制官弁姓名兵丁數目以及駐守之地應于每屆第一年内詳細造冊咨部立案後有更調應隨時咨報以憑考核一拿獲賊盜保案剿捕匪犯保獎酌定限制擬嗣後東三省熱河馬賊准俟全境肅清後彙奏保該處二年例保之案應即停止其緝捕出力之員概照各省拿獲鄰境盜犯之例辦

理其苗蠻各匪出巢焚掠及鹽梟會匪倡亂滋事平定後准專摺奏保由部照定章核獎一外商部馬差武弁酌定限制查外部商部武弁兩年有例保一次該武弁僅供奔走乃照使臣武隨員異常奉獎年限尤速未免賞浮于勞擬嗣後每屆三年准其各請獎一員均照尋常勞績給獎一出使隨帶員弁保獎酌定限制擬嗣後出使大臣隨帶員弁三年差滿保案准照異常勞績免補免選以應升之階升用不准越級保升及層遞預保惟查總理各國事務衙門原定章程內開有武隨員尋常差弁二項其武隨員一項必須奏訓海陸軍學堂出身人員到差之後所有該國海陸軍軍制戰術操法器械各學皆當肄習者求

時事采新彙選第二卷
四
丙午六月初六日刊

隨時報告練兵處兵部以憑考核差滿回國應由外務部咨送練兵處考驗實有所得咨行兵部照異常勞績核獎至尋常差弁任奔走傳宣之役只准保獎一員照尋常勞績辦理一機器槍砲局廠保獎酌定限制查製造槍砲為水陸軍利器所自出在事人員始終勤慎五年例保准推舊章其有能製造新式器械精良便用者送呈練兵處考驗屬實請准給予優獎一各省釐保獎酌定限制制查戶部新章各省釐稅比較光緒二十一年大省加增三四十萬兩中省加增一三十萬兩小省加增一二十萬兩以上者准將廉幹之員從優獎勵現各省請獎釐稅出力人員較多自應按溢徵之數酌定獎叙以示準則擬嗣

後經徵稅釐出力人員凡一卡一口向常徵收七八萬兩及三四萬之數能溢徵至半倍以上者准照異常勞績給獎其向徵一萬數千兩者能溢徵半倍以上與向徵數千兩能溢徵加倍者准照尋常勞績給獎其向徵之數五千兩以下能溢徵若干者只准酌給外獎不得請保仍將每年某卡向徵收數若干逐一造冊咨部立案以憑核對並將經徵銜名年月隨案報明不得籠統含混 一各省墾務保獎酌定限制查東三省及蒙旗墾荒近年均分別異常尋常勞績給獎並無一定準則擬嗣後墾荒出力人員內押荒收價至五萬兩糧租每年增額至二千五百兩者准照異常勞績給獎一員押荒收價至二萬兩糧租每年時事采新彙選第二卷 五 丙午六月初六日刊

增額至一千兩者准按尋常勞績給獎一員仍先將銜名差委名目薪水支數先咨立案以防冒濫 一出洋肄業學生向章均有保獎之案擬由學部另行酌定新章辦理一勸辦各項捐輸人員嗣後擬概毋庸給獎 一原奏所稱軍功保例丁保各節現公同參定辦法限制較前更為嚴密惟出力者不皆列保列保者不盡出力冒濫之弊誠有如原奏所云者大吏以河防為調劑屬員之舉並耳未聞聲鼓足未履沙場謬以為殺敵致果身經百戰惟部中均按疆臣及統兵大員臚列奏贖咨送履歷照章核議分別准駁其實在出力與否以及出力等差無從懸揣臆斷此中徇託朦保等弊實非減等減額明定限制所能禁

絕擬請嗣後 嚴飭各疆臣及統兵大員務須實在出力之員方准按等列保倘有徇庇等情為 聖明洞鑒或別經發覺即照定例嚴予處分不准寬免庶法立知恩爵加知榮不致有濫竽充數之弊 一原奏所稱顯達朝旨有傷 國體者蓋指遣戍革職各員疆臣率為奏請及明保人員品流太雜查賞罰爵秩為 朝廷鼓舞人才之具遣戍者非蒙 特恩釋回不得拘離配所革職者新章非軍營異常勞績不准開復其永不叙用之員更無論矣至明保人才部章限制綦嚴其實係人才與否則非部中所能深悉如原奏所稱遣戍者逗留不前革職者報効立功往往以人才難得為請及濫保京堂出使大時事采新彙選第二卷 六 丙午六月初六日刊

臣各節現在奏保紛紛流弊誠所不免擬請嗣後內外各衙門均不得率保京堂及濫保遣戍人員以杜倖進如有違例率請濫保等弊為 聖明洞鑒或別經發覺即請立予嚴譴並按照濫保匪人定例從重懲處拔本塞源積弊自不難一清 一沿海各省救護中外失事商船出力請獎酌定限制查向章舊章自險救出至三十人以上准照異常勞績奏獎每船每次不得逾一二員現在各省奏保此項皆彙案請獎多至二三十人並未逐案明且有在籍紳士及附船委員甚至地方府縣官亦濫列其間更有在長江等處並非海面危 小援照請保者諸多混冒擬請嗣後凡遇此項人員均請照尋常勞績保獎仍每次

每船不得過二三員隨時先行咨部立案奏保時仍分案
詳細聲明方准彙案開單請獎以杜冒濫 一舊例五城
練勇員紳及京城水會保案酌定限制查現在五城練勇
業經裁撤嗣後自應責成內外城巡警總廳如遇有拿獲
鄰境盜犯新章斬決在三名以上者應由巡警部查明不
分文武只准保首先拿獲者一員給予班次協同拿獲者
一員給予班次協同拿獲者准保二員給予升銜加級五
名以上者加保協同二員未及三名者仍照舊章辦理至
各水會三年例保舊章每局十員亦應酌減此後每局不
得過五員之數照舊例只准保虛銜加級不得逾限並將
各員紳姓名先行咨部立案 一恭報 典禮及

時事彙編第二卷 七 丙午六月初六日刊

玉牒館軍機處保案從前加等優保嗣後擬請按照異
常勞績給獎不得越級遞加至三四層之多以示限制此
外如 國史館等保案未經議及者均令先行咨部立案
隨時分別查明核辦以重名器而免冒濫奉
硃批覽欽此

光緒三十二年六月初七日

禮部太常寺正紅旗值日 侍衛處引 見一名

戶部九名理藩院二名廂黃滿七名圓明園三十名

火器營二十二名武備院二名兩翼二名 四川道

劉學謙謝 恩 道府王昌熾等謝 恩

召見軍機 劉學謙

上諭七月初一日孟秋時享 太廟朕親詣行禮

後殿派載功行禮兩廡派德茂承蔭各分獻欽此

旨廕生達薩布著以旗員用截取舉人李建章著以直隸

州州同用李文藻著以鹽庫各大使用王瑾若著以直

隸州州同用李維楨著以鹽庫各大使用李本筠著以

諭旨恭錄 光緒丙午六月初七日

直隸州州同用孫一精著以鹽庫各大使用胡惠麟著

以直隸州州同用孟懷謙著以直隸州州同用楊世芬

著以直隸州州同用梁積樟著以鹽庫各大使用揀選

舉人陶鼎金著以直隸州州同用楊雨時著以直隸州

州同用黃周著以直隸州州同用歐顯謨著以鹽庫各

大使用任毓藻著以鹽庫各大使用金夢魁著以直隸

州州同用黃獻琛著以直隸州州同用張宏彬著以直

隸州州同用王家霖著以鹽庫各大使用徐公修著以

直隸州州同用刑科給事中員缺著高潤生補授分發

山東補用道祁頌威直隸試用道江忠淦江蘇試用道

潘永齡朱其昌施曜庚瞿鴻禔陝西試用道蕭隆昌浙

江試用道吳煒暹江蘇補用知府楊夢齡江蘇試用知府唐燕賓鄧文培山東試用知府趙英翰江西試用知府黎廷輔湖南試用知府彭家驥江蘇補用同知增福山西補用同知錫極安徽試用同知尹允諧山東試用同知張泰阿廣東試用同知邵述堯四川補用直隸州知州張蔚曾陝西試用直隸州知州趙曾勳福建試用直隸州知州張祖楣馬如龍湖南試用直隸州知州趙世總江蘇補用知州周桂馨陝西補用知州李經生安徽試用知州李文番俱著照例發往欽此

諭旨恭錄

光緒四年六月初七日

二

論文字之怪現象

先儒有言曰文體變遷之故可以視國俗民風之升降西哲有言曰文字變化之原理與國家進化之程度相關誠以文字者代表國人好惡喜怒之心理與夫風氣時勢之轉移而一一宣布於外者也竊嘗驗之於吾國二千餘年之歷史而歎斯言之不謬兩漢承秦暴秦之後政治寬大民氣發揚故其文字一變而為典麗商皇六朝時上下習於夸侈民俗奢靡以文藻相尚故其文字一變而為浮華淫靡唐興明君賢相一洗前代之積習整頓吏治政令疏闊民氣復蘇故其文字一變而為渾厚舒暢有宋中葉民風質樸崇尚道德故其文字一變而為質直無華迨其衰也時事采新彙選第十一卷
四境多故民生愁苦士夫喜談時事故其文字又變而為慷慨之音明之末世朝野袖救無策民不聊生議論雜糅故其文字一變而為叫囂靡雜再變而為哀痛激昂至於本朝文字變遷之階級經歷最多略有可言者開國之初風俗純樸氣象和平故其文字亦雍容揖讓其後尊經義尙攷據重詞章用制藝皆因國尙強盛而稍稍變遷以時陳其太平之迹象然有識者默窺其變遷之故已知此中潛寓國勢逐漸轉移之機自與各國通商以後內憂外患日逼日亟於是政治上之改革紛紛效法東西各國以圖自強國勢與民氣乃一大變更而文字亦隨之而俱變除八股重策論力却其舊日空浮之習而趨於識時勢崇實

學之一途至於今日東西各國書籍繙譯日富新知識之輸入日多而一切新名詞亦遂搖筆即來時時流布於文字之間故文字之變至今日可謂從古所未有原夫新名詞之初入文字也在譯東西書之學子一時繙譯華文無恰當之名詞以易之故仍而不改其繙譯本書多者新名詞日積月累於胸中故臨文時取之卽是有不期然而然者其卒也不學之徒見新名詞之可喜也以爲用新名詞卽可以自稱新學家也於是盡心摹倣極力搜羅一若用新名詞愈多卽新學問愈博者然至是而新名詞遂大行於今日之文字矣所可異者往往有一篇之中強半用極陳腐語而於新名詞亦三致意焉 官場票批公牘亦

時事采新彙選第二卷

二十六年六月初七日刊

往往有於俗不可耐之文詞中雜以三五新名詞可嗤孰甚 譬如留學生服式全行改裝本無足怪若種種其髮橐橐其靴而身衣華服豈得謂之雅觀乎尤可怪者更有未解新名詞之字義而強以難湊成文驟視之似有異樣精彩細觀之則實難索解所用名詞按之東西洋之解釋既不然按之中國向來之解釋又不然此種文字播之海內不幾令人齒冷乎嗚呼中國文字變遷至此亦可謂怪現象矣近日政府舉行新政亦有雜取中外制度以混成一政令者亦有貌倣東西洋之規制形式而實則失其本意者此種政體非中外正與今日之文字如出一轍君子觀於此而益信文字之變遷與國勢民俗有相關之理

也然當世學者則謂今日重科學尙實業文字不足深究記者以爲不然自西人言之文字爲開化之母宜加研究自中國言之文字爲國粹所存最宜注重其變遷也關係至巨豈區區細故而可忽視乎哉

論各省大吏宜急籌備荒救荒策 錄自天時報

自古中國之亂每起於水旱偏災肇事於一部之飢民其聲勢洶洶如黃流潰堤一瀉千里有不可防遏之勢由是斬木揭竿之徒雲集響應遂糜爛乎全局致令河山搖蕩九廟爲墟自壞國防已移周鼎若明末之禍可借鑒已今值國事艱難之日創行新政及招練新軍在在皆需乎財力其中一點一滴何莫非取之於民而全國國民以担任

時事采新彙選第二卷

三

二十六年六月初七日刊

賠款之故搜括頻聞已大傷乎元氣地方官吏之不肖者且從而漁肉之剝削之官民之不相容將有積怨成仇積仇成殺之現象幸而國家無事兩端時若尙足以粉飾承平苟延殘喘如其災浸迭告饑饉海臻則禍亂之猝發不啻添薪以助火吹羹以揚沸統合平日之仇怨而爆發於此時一夫狂呼亂者四應地方官吏束手瞠目而莫可如何事前既無以爲豫備之方事後又無以爲挽救之策靡靡周原大局尙堪設想哉今也北方諸省則苦於荒旱童山濯濯赤地千里麥收告歉市野驚惶北方之人將何以爲生乎南方諸省則苦於大水一片汪洋幾成澤國田廬淹沒目擊心傷南方之人將何以爲生乎國以民爲本民

以食爲天當此米珠薪桂民食維艱哀鴻嗷嗷偏於道路
瑣尾流離之慘狀卽在目前老弱轉於溝壑壯者流爲盜
賊於斯之時猶望其忍飢渴各安本分不蹈非爲始有
憂憂乎其難者矣現在如江浙等省因米價昂昂之故飢
民千百成羣索食於富家巨室囑處騷擾已成亂象語有
之曰饑寒迫則盜心起自分死於饑寒與死於刑律猶有
耳與其死於饑寒爲莫赦之饑鬼不若死於刑律猶可以
博一飽或者倖逃法網得保終窶除生亦屬幸事此鄉曲
小民之見則然耳爲官吏者勢不能不以壓力制之坐令
蠱蠱待斃之災黎復慘戮於刀鋸桁楊之下爲民父母其
何以自問於心乎尤可懼者各處奸宄渠魁乘機竊發糾
時事采新彙選第二卷

四 丙午六月初七日到

合饑民以恣其毒焰始則貽害於一鄉一邑繼則貽害於
國家仇教殃民無所不至葛藤滋蔓根蒂益深滿地荏苒
摧折不易安知赤眉黃巾及季自成張獻宗之禍變不再
見於今日也是在各省大吏耽心民瘼統籌全局於完全
之省分宜急講備荒之策於偏災之省分宜急講救荒之
策敢以管見所及聯述於左以資政界之採擇焉
中國各行省非無備荒之策也如置常平倉義倉以
積穀多寡定有司功罪仿古者耕三餘一耕九餘三之例
雖遇年荒生民必不至於乏食其立法洵爲完善但行之
既久流弊滋多或由地方官虧空或由鄉紳糶賣不能填
補足額官紳互相隱飾雖大吏以時派員查核亦不過索

賄而去此倉穀之弊也又如官民富有田土者其所收租
穀除家口充用外不得收藏有餘者須往市糶賣以充民
食凡屯積米糧希圖大利者立予刑法垂爲厲禁不知法
積久而大敵各省奸商每年屯積多數之米糧居爲奇貨
市價因此而益昂使窮民受其影響此奸商之弊也又如
廣興水利以重農田東南則籌疏導之方西北則資灌溉
之益或開溝洫以疏通之或築隄防以收束之每年關於
水利之工作若堯豫則有河工若江浙則有海塘其用意
可謂周密矣不知歷年既久故事相循墮國家無算之金
錢而水患仍不能免此水利之弊也至於屯田一事伊古
以來趙充國行於西域而致強隋文帝行於江南而致富
時事采新彙選第二卷

五 丙午六月初七日到

至於我朝亦未嘗不以屯田爲重南及於滇黔巴蜀北及
於內外蒙旗西及於天山南北禹甸勻勻徧播其種植於
版圖所屬之地誠國家大利也然西北部人民往往憚於
工作不肯力田故農事毫無進步轉令既墾之田而復荒
未墾之荒又所在皆是有欲從事者官吏既不能加以獎
勵而差役反有無窮之需索則因之墾足不前矣此屯田
之弊也
有此四弊則備荒之策幾同畫餅一遇水旱偏災乃知倉
穀不足恃舊日所存儲者半歸於烏有計無所出不得已
而求救于甲省甲省或與之同病又不得已而求救于乙
省乙省或無以應之卽有誼切鄰情殷賑濟又或因交

通上之不便飛輓輓眾不能越險阻而來輾轉遷延特恐災黎之待賑者將流為餓殍矣是時日暮辦平糶又往往經理不得其人以爲利民也而反爲民害以爲救民也而反爲民病或升斛之折扣或價目之參差或一家十餘口而僅得一二人之食或一里十餘戶而僅充三五家之食苦樂不均怨聲在道此固常有之事也至于壟斷市場之奸商刻薄成家之富戶雖一粒一錢猶不足以鑒其慾壑藏匿生民一日不可絕之糧食而陷人於死地其罪又烏容道耶若夫水利屯田平時既徒擁虛名徒耗巨款求差委則有人列保案則有人其果能溥農田之利拮据胼胝爲鄉民提倡風氣以開國家無盡之富源者實罕有其人

時事采新彙選第二卷

六

丙午六月初七日刊

也是以大雨經旬河流暴漲則若無宣洩之術且舊有隄防亦歸於傾圮當事者悉委之於大災以爲無可挽救而於平時人力之未盡何獨無所取咎耶中國近時亦知注力於開墾如長城內外新開之地不爲不多但不從農事上講求則游惰之類風終難革變是以每遇年荒而廢田則隨地皆是在上者不能勸勞之在下者逐習而安之相率而自蹈於飢饉豈得曰天災流行非人事所能爲力哉爲各省大吏者如欲除倉穀之弊則宜選派公正人員核其實數有不足額者迫認賠償紳民之益賣者亦科以同罪斯倉穀可望飽儲矣如欲除市糶之弊則凡有屯積居奇及藏納於家過時而不賣者一例處以嚴罰或將所屯

米穀提一半充公斯奸商無可僥倖矣如欲除水利屯田之弊則宜于平時選擇官紳之熱心民事者研究水利屯田之法務求有裨于實際不得因循故事遺誤民生斯弊去而利自興矣雖然備荒之策有不止於此者竊參仿東西有爲我國所宜舉行並力求其完備揭其要領厥有數端一農事宜改良也中國爲農桑最古之國自神農以來其法歷四千餘年而不變所傳農學諸書若齊民要術若四時纂要若農桑輯要若農政全書大抵皆陳陳相因無甚新義或出於文人學士之夸誕非田夫野老所經歷雖累牘連篇何濟於事況歷世相傳無所謂農學之名或耕或耨或種或穫皆依舊法而仿行之毫不敢有所變易若

時事采新彙選第二卷

七

丙午六月初七日刊

南方之人素勤於農事固較北人爲優而其力作之苦世界實無其匹語曰服田力穡乃亦有秋不誠然耶一遇旱乾水溢則以爲天災惟有相對束手故叩以物質之原理不知叩以植物之要素不知叩以風氣水火之原則仍不知中國農事之無進步致遠遜於西人非無故也近今各省亦漸知講求農學或創立農務學堂或開設農學會或新闢農務試驗場參照西人之法以求農事之進步果各省皆能實力舉行通飭府廳州縣推廣農學偏立學堂悉心研究於土性則辨其所宜於物質則考其原理一切種籽肥料灌溉鋤耨無不翻陳出新且參用電化以助其生理則見百畝之田其所收穫之數將較前日而增至數倍

矣中國民食之足必能這駕乎地球萬國之上而何憂乎凶嫌也

論君主立憲政體之性質 錄北方日報

上和下睦上安下全分上下之人任上下之事而上下各如其分際則猶鼻之司嗅耳之司聽口之司味目之司明肺之司呼吸肢之司運行各盡其義務而不相推諉各安其權限而不相凌犯其上則恤民勤政其下則愛國尊主若是者其爲君主立憲之政體乎何言之泰西國體向分三種曰滿那兼者君主爲政之制即今之專制而無憲法若上若俄是也曰德謨格拉時者一名公產又名合衆

民主爲政之制即今之共和而立憲法若法若美是也時事采新彙選第二卷 八 丙午六月初七日刊

曰巫理司託格拉時者君民共主爲政之制即今之君主而立憲法若德若英若義若奧若日是也然專制之政體下情或壅於上聞而共和之政體上輕而不免下重均不能有利無弊獨以君主之國而行立憲之法則主權不至旁落下情不至壅塞洵爲盡美盡善之規蓋君主之憲法含有保護限制之美以言保護之義則君民上下悉在保護之中以言限制之義則君民上下悉在限制之列悉在保護之中則君民不至於偏枯所謂曲成不遺也均在限制之列則下民各有權限所謂範圍不過也其又爲大經大法其用實無偏無陂維持於上下之間用能使上作下孚上慈下順上有恤民之政治下有愛國之精神而非專

制之土耳其政體所能同更非共和之法蘭西政體所能企

今以專制政體言之如土耳其其者國權皆操自君主君主之條教所頒全國皆奉令奉行而無扞格則一人之號令即全國之法律其機警敏其效靈捷洵非民主所能及然有時政法阻隔上下之氣不通君民之情不愜則其失不在專政之君主而在輔政之官吏蓋君主爲政之制本天然之公理國權自宜歸於二人特無憲法以維持則堂廡高遠耳目難周雖負屈含冤而不免於壅塞既無鳴願之權復無赴訴之權則情意不能上聞古聖王之爲政所以明目達聰者此物此志也獨君主立憲之國則無此弊蓋

時事采新彙選第二卷 九 丙午六月初七日刊

立憲君主行政之權操自君立法亦君所有而分於掌議院司法權尤君官是國權皆出於君主而於君權無損其於人民之利益則又曲加體恤非官吏所能抑塞如英國大憲其第三十條云地方官不經主人許可不得使用良民之車馬則民無封船捉車之累矣英國權利法典第四條云於國會所計之外妄徵租稅者以違法論義國憲法第三十條云非兩院議決及國王許可不得賦稅普國憲法第一百零二條云政府官吏與地方官吏非依法律不得課稅則民無橫暴之苛矣英國權利法典第五條云凡人民對於帝王有赴訴鳴願之權因其赴訴鳴願而禁錮之者皆以違法論則民無負屈含冤之弊矣而其通

上下之氣達君民之情者尤莫善於議院蓋有憲法必有議院議院之監財立法遇事必互相辯論辯之無可辯論之無可論而後是非以正仍候國王批行故君權無損民隱可申無隔閡無朦蔽無紛擾無把持實為庶績咸熙之本

要之立憲君主異於專制者專制之君權無限立憲之君權有限然所謂限者祇以限其法外之行爲而於治國之權安民之權實仍一無所限制限之所在正利於國正利於君然則談立憲者正不得以君權有限爲病論專制者更不得以君權無限爲利此立憲君主異於專制政體之性質也

時事彙編卷第二

十
庚午六月初十日刊

光緒三十二年六月初八日

兵部太僕寺廂白旗值日無引 見 新授開原

城守尉載專謝 恩 蓋州城守尉多壽謝

恩 道府祁頌威等謝 恩 薩蔭圖預備

召見 陸潤庠續假十日 宗人府奏派正進補進

王公六班 派出敏公岐公奎公炤公德茂載鎧

載岐溥多 分發直隸試用道江思淦謝 恩

花翎江蘇候補知府鄧文培謝 恩 湖南補用

知府彭家驥謝 恩 分發山東試用知府趙英

翰謝 恩

召見軍機 薩蔭圖

諭旨恭錄 光緒三十二年六月初八日

皇上明日辦事後卯正還宮至 奉先殿 壽

皇殿行禮畢至

聖容前行禮畢仍還 頤和園

論國家以後宜慎選留學生錄中外日報

觀近日我國之留學生往東西各國游學者數至鉅萬不可不謂 國家用意培才乃克致若斯之盛也以斯而言則爲之上者宜如何慎選良才俾植幹之植鬱爲棟樑以備他日安危扶傾之用如是乃不負培才之初意而亦可收培才之實用矣然觀近日我國所派之學生以至日本之數獨居其多端在上者多派學生至日之意豈不謂日本之去中國道里最近用費最省日本又與我同文學生至彼身受教育可得速成之效乎又豈不謂日本與我唇齒相依假教育以通情愫可收彼此親交之益乎惟其若是以故近日之留學東京者且增至七八千人人數既多時事采新彙選第二卷 一 丙午六月初八日刊

品類不齊又以中日兩國之人習慣亦多不同之處前往之學生有向未受教育者以致施教甚難爲彼中學人所訾議又以中國學生每喜率其慣行不知檢束足取彼國人厭惡之處亦復不少非笑之談騰於報章膜視之情見於交際而於是向以爲取道甚邇者今則向學前進之途轉以此而多阻矣而於是向於爲用費甚省者今則虛耗浪擲之金轉以此而增多矣向以爲學業易成者今則牙慧掇拾之多轉以此而失真矣向以爲教育之事可以藉聯交親者今則齷齪難處動啟猜嫌轉以此而障礙矣是豈日本教授之不善哉抑豈學生之自甘墮落哉要之非我當局之人於選派學生之舉虛應故事濫容私情使人

格不完之輩得廁足於留學界中不致於是則記者所望當局以後於此一事深加之意者也

記者謹按東西各國之選派留學生多取大學卒業之才前往他國修明專科之學以故於文明之輸入國政社會之改良皆能有所裨益今中國則不然所選之生類多未受普通教育性行不諱之輩此其失一也即曰中國今日如欲自立學校以期教育普及既虞成效之難期又苦辦法之不善河清難俟不如多選留學生或同可得奇才異能之選是言也良亦誠然非常之才必須精爲選擇乃能得之今中國所選學生但取多數果皆合格與否正未可此是其失二也有是二失欲求留學界之無遺議留學

時事采新彙選第二卷

十一

丙午六月初八日刊

諸生之日進無疆固亦難矣記者言此非謂以後留學生不可再選也亦非謂所選之留學生盡皆不肖也惟所望者以後選派學生務宜用意審慎勿取不學無行之人濫竽以充數勿圖學界歡迎之虛榮委蛇以取悅所選之官費生固宜者取學問已有根抵性行至爲純正之輩所用之監督亦當取學行優長之人授以管束進退學生之全權俾得盡其監督之責任即在自費之留學生國家亦宜詳加考察加以監督庶幾自是以後留學界之風紀可期復整學術界之成才可期日盛以上無負乎 國家培植人才之盛意下無辜乎全國改良政俗之厚望爰特不揣冒昧著爲論說以質當世知言之君子其以爲如何也

論海軍籌款宜仿國民捐

錄自天時報

嗚呼近時我國國民其國家思想竟若是其發越哉有國家思想斯對於國家乃能恪盡國民之義務其愛國熱誠又若是其發越哉自國民捐倡於北京各行省起而響應不必有政府之命令而無不從風不必有議會之贊成而無不公認不必有官吏之文誥而無不樂輸海內外前者于然後者喁喁然翕然同風慨然應命自達官貴人縉紳耆老久人學士坐賈行商以及野老田夫百工技藝下至伶人樂戶輿臺皂隸之徒無不踴躍爭先各任國民之擔荷即各盡國民之義務此固中國國民之創舉而亦中國國民之特色也

時事采新彙選第二卷

三

丙午六月初八日刊

國民捐之目的何在平在償還賠款也在償還賠款而不致為外人所侮也雖然償還賠款固為今日最急之要務而今日要務更有急於賠款者我國民豈獨忘之耶所謂今日要務更有急於賠款者海軍是也海軍為國家實力所存在若不能重振海軍以壯國家之實力雖償還賠款究不得為強國也既不得為強國而欲望其不受制於外人又豈可得哉世界各強國若英若美若俄若德若法若義東洋若日本何國無海軍何國不訓練海軍近者日俄戰後各國震於日本艦隊之精強足以摧倒歐洲第一之強國由是歐美列強均欲整頓海軍以壯國家之實力或議擴張海軍或議改良戰艦或繕修海軍根據地或創製

魚雷及潛水雷艇或招練新軍以圖恢復或淘汰舊艦以示壯觀雖曰重視人道軫念和平而武裝無一不豫備深恐國家實力所存在稍有遜於人者如日本以戰勝之國近且組織新艦隊天皇親臨校閱無敢稍涉於鬆懈是以世界列強每年行政費以海軍為第一難由政府籌集而各國國民於其國之海軍費則無不任其相尙是海軍之關係於國家為何如乎今我中國視顏列於世界大國之一自海軍殘破以後竟不復振興週覽南北洋海疆延袤萬餘里當此門戶洞開國防空虛其何以保存國力乎抑何以抵禦外侮乎而我國民奈何不為之早計也

時事采新彙選第二卷

四

丙午六月初八日刊

力能敵帑藏匱乏舉行一切新政公私款項業已羅掘俱窮觀其情形實不免有拮据艱難之狀如欲整頓海軍誠今日所不易言之事也嗚呼必待財力充裕始議興復海軍恐中國終無興復海軍之日矣以中國土地之大人民之衆而謂不能籌練海軍是自甘於弱辱不欲與強大為伍僥倖首帖耳受制於外人便有細故小嫌外國兵艦直橫穿我腹地肆其要挾無所顧忌此豈非我全國民所忍痛含憤而不肯甘心者乎竊願我國民起而自任即仿照國民捐辦理人人皆有其責任人人皆有其義務以全國四百兆人數計之每年每人不過節省數日衣食之費每名出制錢二百文則一年所入可得八千萬再以次年所入

合計之則可得一萬萬六千萬再以三年所入合計之則可得二萬萬四千萬至於三年則中國之海軍成矣若夫富家巨室與其留多數財產爲子孫種驕淫之罪孽何若分其一二成捐助海軍以顯國家富強之力則其令聞令望必將傳播東西 炳史冊以視猶太亡國之人種雖富力過人長託庇他人之宇下以仰其鼻息者其相去爲何如哉嗚呼積土成山積腋成裘我國四百兆人民果能人人恪盡其義務按年僅捐錢二百卽可以固國防而伸國力斯亦我國民所樂從者乎

軍人剪髮之問題 錄北平日報

將欲造成武裝平和之世界則不得不行通國皆兵之制
時事新報選錄第二卷 五 丙午六月初八日刊

欲行通國皆兵之制則不得不令國中官商士庶一律短衣剪髮以振起其尙武之精神而適合於軍人之資格以收國民之開化者固不心知其意羣焉效慕甲國制於前乙國繼武於後昔俄皇彼得歸自歐洲卽躬自剪髮以爲臣民之先導勇於變法西史雖稱今則暹羅波斯阿富汗諸小國之君長皆以剪髮爲是而效颺恐後矣蓋制度之文明已爲五洲萬國所公認而目之爲大同之裝飾不第 歐美各國爲有然也
吾嘗研剪髮之利益而知其非一端焉髮爲血之餘苟任其自然則舊血不去而新血不生微特櫛沐俱形不便且全身血管中停蓄之垢濁無自疏洩必滯而爲病剪之

則能去舊生新大有裨於衛生其利一凡勞動工作之僑結其髮則緒理需時辨其髮則牽引不適剪之則舉動自由而便於操作其利二機器製造之場汽車輪船之上以及行軍應敵擊槍發砲之時有辨髮則生出種種之危險而妨及性命剪之則障礙一空而運動捷速其利三私人之格鬥兵役之捕拏動輒牽曳髮辨殊不雅觀剪之則體體活潑不至授人以柄其利四鮮衣華服之被於身每汚於辨髮之垢膩剪之則不待滌除而衣服無垢汚之患其利五有是五者之利益故歐美各國之國民無不剪髮一時風習所趨卽婦女中亦有幡然改革者夫豈有己爲軍人而猶然蓄髮者耶

時事新報選錄第二卷

六 丙午六月初八日刊

而猶不解中國何所畏憚何所愛戀而不許軍人之剪髮也 上月初八特報云鄂督得練兵處消息各軍士仍須把辨於後帶於軍帽上加一紅結云云 其以爲 祖宗之定制乎則科學可廢弓矢可廢下至服飾器械皆不惜效法西人而何靳於區區之辨髮也其以爲父母之遺體乎則婦女之穿耳纏足皆在所不禁日男子之髮業已芟難及半而何愛於一握之餘髮也況髮之去留我中國本無足輕重全去有有之 如僧尼寺是 全留有亦有之如婦女及道士等是 初不聞中國政府之出而干預也而獨於軍人不許其剪髮者則何以故則豈豚尾之譏野蠻之誚固所甘心忍受而願與之終古耶藉曰甘心忍